

ՆՈՐԻՆ ՍՈՒՐԲ ՕԾՈՒԹՅՈՒՆ Տ. Տ. ՎԱԶԳԵՆ Ա.
ԱՄԵՆԱՅՆ ՀԱՅՈՑ ԿԱԹՈՂԻԿՈՍԵՒ ԵՎ
ՄՈՍԿՎԱՅԻ ԵՎ ՀԱՄԱՅՆ ՌՈՒՍԻՈ ՊԱՏՐԻԱՐԺ ԱԼԵՔՍԻ Բ-Ի
ՀԱՄԱՏԵՂ ՀԱՅՏԱՐԱՐՈՒԹՅՈՒՆԸ

Մոսկվայում եղբայրական ողջագուրումներով, մենք՝ երկու հնագույն
ֆրիստոնեական եկեղեցիների՝ Հայ Առաքելական եկեղեցու և Ռուս Օրթոդոքս եկեղեցու
գահակալներս, ցանկանում ենք մեր խոսքը ուղղել մեր հավատացյալ հոտին՝ համայն
մերձավորաց և հեռավորաց:

Հայաստանի և Ռուսաստանի պատմությանը հայտնի են
դարաշրջաններ, երբ մեր ժողովուրդները ապրում էին կա՛մ տարբեր
պետություններում, կա՛մ մեկ երկրի կազմի մեջ: Սակայն մենք վկայում ենք, որ
բոլոր դարերի ընթացքում մեր երկու եկեղեցիները և նրանց ժողովուրդները
ամրացված են եղել իրար քաղում եղբայրական կապերով, ի Քրիստոս Հիսուս:

Մեր պատմական ընդհանրությունը, որի օգտակարությունը հաստատված է կյանքի
փորձով, վեր է որևէ բաժանումից՝ ներքերված նոր իրականությամբ: Անկախ նոր
սահմանների, պետական կառավարման ձևերի և արտաքին տարբեր հանգամանքների
դասավորումից, երկու եկեղեցիների զավակների միջև հոգևոր, մշակութային և այլ
կապերն ու փոխադարձ գործակցությունը կպահպանվեն և կբազմապատկվեն:

Մենք հաստատակամ ենք բոլոր ֆրիստոնյաների հոգևոր միասնականության և մեկ
Աստուծո հավատացող բոլոր մարդկանց միջև բարի հարաբերությունների
ամրապնդմանը: Այս կապակցությամբ մենք հատուկ կերպով ձգտում ենք
ֆրիստոնյա-մուսուլմանական հարաբերությունների միջև հիմնել և հաստատուն
պահել պարզ ու փոխադարձ հարգանքի ոգին:

Մեզ խորապես վշտացնում է Լեռնային Ղարաբաղում շարունակվող
եղբայրասպան պատերազմը: Մենք կոչ ենք անում բոլոր նրանց, ովքեր ներգրավված
են այս ընդհարման մեջ, անհապաղ դադարեցնել բոլոր ռազմական
գործողությունները, որպեսզի բարդ խնդիրները լուծվեն արդարացիորեն և խաղաղ
կերպով, երկխոսության ու համաձայնության հասնելու ձգտումով: Մենք նաև
խնդրում ենք համաշխարհային հանրությանը՝ օգնելու Ղարաբաղի հարցի խաղաղ
կարգավորմանը և ձգտելու ամեն կերպ թեթևացնել բախման զոհերի
տառապանքները:

Մեր եկեղեցիների բոլոր զավակներին, աշխարհի բոլոր մարդկանց հղում ենք
խաղաղության, բարօրության և հաջողության մաղթանքներ՝ ամեն մի բարի գործում:

„Եւ ինքն Տէր խաղաղութեան՝ տացէ ձեզ խաղաղութիւն յամենայն ժամ յամենայն
իրս“ /Բ ԹԵՍ. 3, 16/:

ստորագրություն
ՎԱԶԳԵՆ Ա ՄԱՅՐԱԳԻՈՒՅՆ ՊԱՏՐԻԱՐԺ
ԵՎ ԿԱԹՈՂԻԿՈՍ ԱՄԵՆԱՅՆ ՀԱՅՈՑ

ստորագրություն
ԱԼԵՔՍԻ Բ ՄՈՍԿՎԱՅԻ ԵՎ ՀԱՄԱՅՆ
ՌՈՒՍԻՈ ՊԱՏՐԻԱՐԺ

Մոսկվա, 21 հունվար 1993 թ.

